

佛說堅意經

詞

後漢安惠國三歲安世高譯

聞如是一時佛在舍衛國祇樹給孤獨園佛告阿難我今禪定憐傷世人不知佛道正真弘深而以淺偽輕薄之言欲設嫉心謗毀道根妄作窮難難吾弟子汝當正心知此罪人或是邪嫉惡師或是不知世俗教人若諸菩薩比丘僧比丘尼優婆塞優婆夷明經高潔開解愚冥為說生死罪福所鍾設其印解知服道真此為罪滅福生之人若其拍掌為說橋梁心懷憤憤意不欲聞雖欲強聽心多睡眠或壞道法輕毀沙門及優婆塞惡口妄言當明此人為罪所牽沙門賢者以忍為先當如清水無所不淨死人死狗死地屎尿亦皆洗之然不毀水清亦當持心有如掃帚掃地淨不淨死人死狗死地屎尿皆亦掃之然不毀於帚矣亦當復如風火之力光死人死狗死地屎尿亦吹亦燒然不毀風火之力光若人欲來煞已已亦不

瞋欲來謗已已亦不瞋欲來譖已已亦不瞋欲來笑已已亦不瞋欲來壞已使不事佛法已亦不瞋但當慈心正意罪滅福生邪不入正乃惡消爛佛告阿難其有好心善意之人聞佛明法一心而聽能一日可不能一日半日可不能半日一時可不能一時半時可不能半時須臾可其福不可量不可訾也汝當廣為諸比丘僧比丘尼優婆塞優婆夷白衣人民說之并當廣為說布施種生死糧其有齋日施設飯食請召四輩高經賢者沙門道人施設高座論講佛經燒香然燈光明達天諸天喜笑皆下虛空側耳來聽莫不欣然其有破慳布施為福善神即下營救門戶攘禍滅性出與利會利則而吉終無怨惡許如種穀隨種而生種善得福種惡獲殃未有不種而獲果實當正心福自歸身慎無上問為邪所牽心懷狐疑善神遠人動入罪地所為不成不知毀戒及怨佛神事之無益遂不正心男子女人其有聞此經者及奉持讀誦者

莫不得福者佛說經已阿難歡喜起為佛作禮
佛說堅意經

癸卯歲高麗國大藏都監奉勅彫造

佛說堅意經

校勘記

- 一 底本，麗藏本。
- 一 六四〇頁上一行及卷末經名下，
[石]有「一卷」。
- 一 六四〇頁上二行「安息國」，
[石]作「安息」；[磧、南、徑、清]無。
- 一 六四〇頁上二〇行第一三字及末
行第五字「光」，[石]作「先」。
- 一 六四〇頁中四行「意罪」，
[磧、南、徑、清]作「心惡」。
- 一 六四〇頁中一行第五字「說」，
[石]作「諸」。
- 一 六四〇頁中一三行第五字「設」，
[石]無。
- 一 六四〇頁中一四行「側耳」，
[清]作「則耳」。
- 一 六四〇頁中一六行「攘禍」，
[磧、南、徑]作「攘禍」。
- 一 六四〇頁中一八行「獲殃」，
[磧、南、徑、清]作「獲罪殃」。

- 一 六四〇頁中一九行第九字「尔」，
[石]作「念」。
- 一 六四〇頁下一行「者佛說經已」，
[磧、南、徑、清]無。
- 一 六四〇頁下二行「作礼」，
[石]作「作礼而去」。